



Senin, 19 September 2022
Ogen: Kuan-kuanen 16:32



Jadi Kalak Sabar



Kalak si sabar eme kalak si ndatken kehamaten dingeng daulat si meganjang bas kegeluhen si tep-tep wari. Reh saberna kita, reh ngasupna kita i bas ndungi permasalahan-permasalehen si nderpa ku bas kegeluhen. Eme maka kesabaren jadi salah sada kunci sukses bas kegeluhen. Sabar e eme kengasupen ngaturken emosi-emosi si la mejile, umpana rawa ras ate segat. Sabar eme kengasupen megenggeng i bas situasi si mesera. Sabar e la mesunah iajuk-ajuk erbahan si la payo. Kesabaren e labo talenta ialoken arah latihan bas kerina kecibal geluh. Tetap erpengarapen si mehuli bas kerinana. 1 Korinti 13:13, lit telu hal si mbelinna bas kegeluhen eme kekelengen, kiniteken ras pengarapen, janah si mbelinna eme kekelengen. Salah sada wujud kekelengen e emekap ate saber. Adi lit keleng e ateta, bicara merawa pe pusuhta, rawanta e ngasup si peseh alu manjar-anjar. Perban keleng ate si gengken amin gia i bas kiniseran ras teman geluh, umpamana guna keperluan anak. Perban keleng ate maka ajuk-ajuk kalak pe erbahan si la mehuli, si eteh maka si e labo lit oratna.

Kai dage ulihna jadi kalak sabar, kitab Kuan-kuanen enda ngatakenca kalak sabar desken sekalak pahlawan (kalak erkuasa). Sabap alu sabar ngaturken emosi, kita puluh i bas ngaloken tindakan si ncedai. Kalak sabar nimai paksa si mehuli guna ndatken ulih si mejile ka. Hal si terbaik idatken alu sada proses si la singkat ras kalak saber ngenca ngasup nimai ras mperani ulih si mehuli arah proses sigedang.

Selaku nande tengah-tengah jabu mekatep kit kita ngelaken erbage kesibuken pendahin ras perbeben geluh. Bas kerina sie perlu kita sabar. Aminna pe mekatep si begi sabar e pe lit batasna, tapi ingetlah terus maka kesabarenta e maba kegeluhen si terulin pepagi.